

author: Duroni, Giovanni
title: Stevenin a Colmegna : commedia in un atto
shelfmark: COLL.IT.0008/0003/08
library: Biblioteca nazionale Braidense - Milano - IT-MI0185
identifier: UBO1615678

Le riproduzioni digitali accessibili dalla Biblioteca digitale italiana di www.internetculturale.it sono per la maggior parte di dominio pubblico, e provengono dalle attività di digitalizzazione realizzate dalle biblioteche che possiedono gli originali e la proprietà delle riproduzioni digitali, e sono istituzioni partner del portale.

La riutilizzazione non commerciale è libera e gratuita nel rispetto della normativa vigente.

Ai fini della riutilizzazione commerciale e/o per ottenere un documento ad alta definizione contattare il detentore dei diritti del bene digitale utilizzando nel Download del documento, il contatto di posta elettronica.

Gli utilizzatori finali dei beni digitali, sia che riproducano parzialmente o completamente le immagini, dovranno sempre e comunque citare la fonte www.internetculturale.it

.....

The digital reproductions accessible from the Italian Digital Library www.internetculturale.it are mostly of public domain, and come from the digitization activities carried out by the libraries that own the originals and are ownership of digital reproductions, and are Institutions partner of the portal.

The non-commercial re-use is free in accordance with the local regulations.

To allow commercial reuse and/or to obtain a high-definition document please, contact the copyright holder of the digital object using the contact e-mail you can find in the Download of the document.

The terms of use of the Internet Culturale material states that the final users that reproduce images or part of them must mention the source www.internetculturale.it

www.internetculturale.it

REPERTORIO DEL TEATRO MILANESE

Fascicolo 29*

STEVENIN
A COLMEGNA

Commedia in un atto

DI

GIOVANNI DURONI

ON DOLOR DE COO

Dramma in un atto dello stesso



MILANO

Presso - CARLO BARBINI - Editore

Via Chiaravalle, Num. 9

1874.

La rappresentazione di questa produzione è sottoposta al disposto dell'art. 13 della Legge 25 giugno 1865, N. 2337, ed all'art. 22 del relativo Regolamento 13 febbrajo 1867.

Questa produzione è posta, per quanto riguarda la stampa, sotto la salvaguardia della legge 25 giugno 1865, N. 2337, quale proprietà dell'Editore CARLO BARBINI.



Tipografia Gius. Gollo, San Pietro all'Orto, 23,

STEVENIN A COLMEGNA

PERSONAGGI

Stevenin, Sindaco.

Teresa, sua moglie.

Giacomo.

Battista, seccista.

Beltramina, sua figlia.

Desiderio, amante di Beltramina.

Salami, segretario.

Due villici che non parlano.

La scena succede a Colmegna.

ATTO UNICO

Sala di campagna.

SCENA PRIMA.

Stevenin, Teresoeu, Battista e Beltramina. *Tutti sono abbigliati di festa e Stevenin un pò caricato. — All'alzarsi della tela Stevenin sta affacciato al balcone a pronunciare un discorso suggerito da Teresoeu, la quale le sta dietro. Battista e Beltramina in disparte sul davanti della scena. Voci di dentro: Evviva el sur Sindech! evviva! evviva!*

Ste. (volgendosi a Teresoeu) Ma voj, Teresoeu, fa prest, damm l'imbeccada (seguita a far degli inchini al balcone) Damm!...

Ter. Sta attent, derv i oregg e imbrojet minga. (voci di dentro) Evviva! evviva!

Ste. (a Teresoeu) Fa prest donca, che speccien domà la mia loquenza!...

Ter. (suggerisce) Nostri buoni villici!

Ste. Nostri buoni villici di tutta la campagna.

Ter. Ma no!... (a Stevenin).

Ste. Ma sì!...

Ter. Gamber!...

Ste. Mi? (*volgendosi*).

Voci di dentro Evviva! evviva el Sindech!....

Ste. Grazia, nostri buoni villici! (*fa inchini*) Va inanz Teresoeu, famm minga perd el fil che foo furor...

Ter. (*suggerisce*) Voi oggi venite a portarci un onore... talmente onorifico... che non sappiamo dove andare a trovarne un altro in stesso!....

Ste. (*ripete sempre con caricatura*).

Voci di dentro Bene! bravo! fuori i lumi!...

Ste. No, perchè l'è anmò ciar!

Voci di dentro Bravo!

Ter. Mettegh minga denter del tò!

Ste. E ti suggeriss impressa!

Ter. E ti sta attent!

Voci di dentro Evviva el sur Sindech!

Ter. (*sempre suggerisce*) Dunque, come dicevo, ho detto che il vostro entusiasmo mi ha commosso tutto il corpo, fra i quali dichiara di essere, o nostri buoni villici, tutto per voi in qualunque evento. — E adesso che avete sentito i sentimenti miei, di me, andate tutti in del Gaitano a bere un biccierino che l'è pagato apposta! (*Stevenin ripete e termina col dire* :)

Ste. Che l'è.

Voci di dentro Evviva! bravo!

Altre voci Andemm in del Gaitan!

Ste. (*staccandosi dal balcone*) Avii sentii che furori, eh? Sont, o no sont on Sindech che va ben?

Bat. Alterchè! E mi sont chi ancamò incantaa de qui bej paroll che g'ha faa insegnà la sura Teresoeu.

Ste. Ma a ti te gira i mezzanitt, te gira!... Sont staa mi che ghi hoo insegnaa a lee per fa che i e tegness a memoria per tornà a dimmi al moment bon.

Bel. On'altra volta che me n'insegna anca mi, che me n'insegna.

Ste. Sì, te insegnaroo.

Ter. Andemm donca Battista, còrr in del Gaitan, e digh che je tratta ben stii noster quadretoni; eppoeu fagh avvisaa che i foeugh d'artefizi hin ai noeuv òr.

Ste. Ma no, spetta! In del Gaitan, per esempi...

Ter. No, no, va...

Bat. Va ben! (*via*).

Ter. (*a Beltr.*) Andemm, alto ti! Cosse te stet li cont i man in sul consolaa? Da ordin on poo sta sala. Se sa mai che poda vegnì la deputazion del paes...

Bel. Sì, sciora! (*esegue*).

Ste. (Hoo minga de vess bon mi de inventann vùn de per mi?)

Ter. Cosse te penset, voj sur Sindech?

Ste. Pensi che vuj componn mi de per mi on discors (*piano*).

Ter. Allora setett giò alla scrivania e mettet alla proeuva...

Ste. Alterchè, me metti, me! (*siede alla scrivania*).

Ter. Allora mi andaroo debass a vedè se el Gervas l'ha preparaa in giardin polit per la illuminazion (*via*).

Ste. Sì! (*si alza e si avvicina a Beltramina*) Adess de componn el discors g'hoo minga temp!

10

STEVENIN A COLMEGNA

Bel. Perchè?

Ste. Perchè te set chi ti Beltramina. (*facendo gli occhietti*) E dimm on poo Beltramina, te set ancamò in collera cont mi?

Bel. Ch'el se tira ingnà!

Ste. Perchè?

Bel. Perchè el m'ha faa el tradiment, el m'ha faa...

Ste. Che tradiment?

Bel. Ma sì, prima che la nas a Miran, el m'era semper giuraa ch'el me voreva ben, che el me voreva, eppoeu mi intanta che sont stada in del me barba a Marchiroeu, lu e l'haa sposaa ona donna milanese de Miran, e l'ha sposaa... eppoeu l'ha lassaa anca morì el merlo, che mi gh'eva regalaa!

Ste. Sì, l'ho faa imbalsamà, e el tegni per memoria. Ma Beltramina, ti l'è trii ann che te se via de Colmegna, e te vorevet che mi speccias trii ann a toeu miee? E poeu adess te vedet che sont diventaa on omm de riguard. Sont pù quel tabaloeuri che s'era quand te me regalaa el merlo!

Bel. Mi a Marchiroeu ghe sont n'ada per el dolor che mort me fradell. Però el se regorda quand el me cuntava su l'asempi in stala al cold, de Paol e della Verginia, el me diseva ch'el me voreva ben finna g'ha ghe daven i Oli Sant, i Oli!

Ste. L'è vera perchè mi... te voeuri ben ancamò!

Bel. Comè? e la sciora?

Ste. La sciora, sì... ma la sciora fa nagotta!... (*si avvicina e le fa una carezza*).

Bel. Ch'el vaga ingnà! (*lo respinge*).

ATTO UNICO

11

Ste. Ma, o Beltramina, adess che tucc me voeuren ben, che sont pien d'onor, ti te me podet pù vedè!

Bel. Damoni! A ghi hoo i oeucc da videll. Cos-s'el dis mai adess?

Ste. Disi che te me casciet ingnà!

SCENA II.

Desideri e detti.

Des. (*sulla porta non veduto*) (Saria curios de vidè dove a l'è n'ada la Beltramina). Cribbio! l'è scia ancamò!

Bel. L'è minga vera ch'el cascì ingnà, l'è!

Ste. Donca te me voeut ben ancamò?

Bel. Soeuja mi! a quand el vedi lu, m'ha senti a còr giò un cold per tutta la sc'enna.

Des. (Antecoeur! cossè me tocca de senti!)

Ste. (*sospira*) A te còr giò el cold per la sc'enna te còr?... (*si avvicina di più*) Beltramina!... se mi...

Voci di dentro Evviva el sur Sindech! El Gai-tan el g'ha el vin bòn!...

Ste. Secca-perdee! hann giamò fenii de bev; adess tornarà indree anca la mia Teresoeu...

Voj, voj, Beltramina!

Bel. Eh?

Ste. Te set bonna de trovatt chi in sta sala quand el sarà scür e che sarann adree a fa l'illuminazion e i foeugh?

Des. (Ah! Birba!)

Ste. (*a Beltramina che ha abbassati gli occhi*) Sicchè te ghe vegnaret... ma scur neh? se

ghe fuss i ciar, smorzi, se de nò la mia Teresoeu l'ha pò capi... Sicchè te vegnaret?

Bel. El me farà minga de despresì?

Ste. Ma no!

Bel. Ben sì!

Des. (Olter che sposat, a tal daroo mi!) Sur padron a me cala i candir da mett in di ballon denanz alla parocchia! (Beltramina finge di ordinare i mobili).

Ste. Fatti dà de mia miee... No, speccia che voo de là a toeu la ciav che ghi hoo via mi. (dà un'occhiata d'intelligenza a Beltramina e via a sinistra).

Des. Beltramina, a me guardee nanca?

Bel. Va vedi tutt'ol di, sicchè!

Des. Sì, ma a se parlem quasi mai... Disi, me vorii ben ancamò?

Bel. Mi sì, e yu?

Ter. (di dentro) Beltramina, in dove te set cascada?

Bel. Ah! la padrona che me ciamà. A vegni. Stee ben, Desideri! (via).

Des. Sì, stee ben... Mi sì c'ha t'ha faroo sta ben!... Trovass chi a scur cont el padron..... Sì, ma ta la faroo mi bela s'ha ta me pizzighet la morosa.

SCENA III.

Stevenin e detto.

Ste. Toeu la ciav de la cantina, e tira foeura quij che fa de bisogn e minga de pù, minga. Comè? la gh'è pù la Beltramina?

Des. A l'ha ciamada la padrona.

Ste. Allora andemm che vegnaroo mi a dat i candil...

SCENA IV.

Teresoeu, Giacom, Beltramina e detti.

Ter. Voj, Stevenin, guarda on poo chi l'è che gh'è chi?

Gia. Ciao, Stevenin, come te stet?

Ste. Ti Giacom? che miracol te faa?

Gia. Te par, eh? l'è propi on miracol!

Ste. Te faa ben a vegni incoeu che per mi l'è di de festa. Dimm on poo, te se fermaret on poo, eh! Te ghet adree el bagali?

Gia. (si volta e fa voltare gli altri verso Beltramina che ha on bambino in braccio) Sì, g'hoo adree anca un bagaj!

Ste. Ma de chi l'è quel fioeu li?

Gia. L'è de Verginia la sopressadora.

Ter. L'è vera? Mi adess debass g'hoo nanca avuu temp de dimandaghel.

Ste. Ma com'è? come te fet a veghel ti?

Gia. Oh, l'è una storia dolorosa, cara vialter...

Ter. (a Stevenin) Ciappa ti quell fioeu, e ti Beltramina va debass a fà quij facc che te de fà. Ma prima porta chi di ciar ch'el ven scur.

Bel. (dà il bimbo a Stevenin) Sì, signora! (via).

Ter. L'hoo mandada via perchè voeureva minga che la stass chi a senti. Cunta on poo sù come l'è stada sta scenna de vech ti quell bell regall?

14

STEVENIN A COLMEGNA

Ste. Sì, cunta sù. (*guarda il bimbo*) Voj, Tere-soeu, quand l'è che podaremm veghen vùn anca nùn, eh?

Ter. Andemm, voj Stevenin, fa minga el stupit! di minga sù di asnad. Ch'el cunta sù donca, sur Giacom.

Gia. L'è prest e che cuntada. Aveva fissaa de vorè parlagh pù alla Verginia, ma la me vegnuda adree in d'ona certa manèra, che sont minga staa bôn de bandonalla e l'hoo sposada de nascondon del papà!

Ste. Bravo! te faa una bella robba!

Ter. Tas ti! Sì, propi bella!

Gia. Sì, alter! Domà che quand el papà el se nacorgiuu el m'ha casciasa foeura de cà, e allora mi no podend portach pù alla Verginia i tocch de pan e de carna che fava scappà de tavola in tanta che disnavem, on di che sont andaa a trovalla, la m'ha refilea el fioeu in brasc e poeu la m'ha saraa foeura de l'uss...

Ter. Ma l'è on pess?

Gia. L'è staa domà l'altre!

Ste. (*fa smorfie col fanciullo*).

Ter. L'è minga fassaa?

Ste. Me par de no, me par!

Gia. Cosse vorii? l'è tanta la miseria che gh'avvem, che serem senza patte, nè fass...

SCENA V.

Salami e detti.

Sal. Signor Sindaco, gh'è chi la deputazione del paès per incensarlo.

ATTO UNICO

15

Ste. (*imbarazzato*) Per l'amor di Dio! che vengnen minga inanz che sont giamò incensaa assee... ma adess come foo?... Ei ch'el ciappa un moment stoo fioeu in brasc, sur segretari, che voo a lavam i man! (*dà il bimbo che strilla e via in fretta*).

Sal. Eh!... signor Sindaco, hin minga queste le attribuzioni della mia carica; cosse en foo mi adess de stoo poporôn chi? Che le ciappa lee sura Sindica!

Ter. (*lo prende*) Cì, che me le daga a mi, epoeu ch'el faga vegni inanz la commission. (*a Giacomo*) Ehi, Giacom, ch'el vegna insemma a mi de là che ghe destinaroo la sua stanza.

Gia. Damm a mi el fioeu!...

Ter. No, no, lassel pur chi a mi; andemm (*via con Giacomo*).

Sal. Mi hoo de fà vegni inanz la deputazion? (*osserva le mani*) Questo però l'è on affronto ch'el m'ha fatto, sur Sindaco! Farmi un' insult così alla mia carica?... Ah! giuradina! questo l'è propi tropp!

SCENA VI.

Desideri e detto.

Des. Sur Segretari, el sur Sindech e la padrona hin andaa cont la deputazion in la stanza del Comun!

Sal. De che part hin passaa?

Des. De l'altra scara.

Sal. Saltandem via mi, Segretari in sta maniera.

Des. A l'è staa el sur Steven ch'el g'ha ditt che per andà al Parlament de la Deputazion, fava minga de bisogn l'istess de vecch adree el Segretari, c'ha l'è, perchè a l'è un lifrocch!
Sal. Lifrocch? ad io, Antonio Salami, segretario? (*furioso*) Scrivaroo a chi si deve che se me manca de rispetto!

Des. Ch'al scriva, sur Segretari, che g'ha jutaroo ona man anca mi.

Sal. Cosse te voeut jutà ti?

Des. A svendicamm col sur padron ch'al voeur spizzigam la mia Beltramina!

Sal. Ma in qual e in che maniera?

Des. El g'ha daa ol pontament de trovass chi a seur all'ora che se spara i foeugh!

Sal. Sei ben sicuro e cert?

Des. Cossè?

Sal. Se l'è vera?

Des. Sigura!

Sal. E ti cosa farete?

Des. Mi el soo cossa hoo da fà, ma gh'el disi a nissun!

Sal. (M'è venuto el tir de vendicam. Faroo trovà chi la moglie e poeu ce vegnaroo anca io per assist alla scoperta). Ciao, Desideri! (Andiamo a cercà la sura Teresa) (*via*).

Des. Ades bisogna cà pensa come g'hoo de fa per vidè che la mia Beltramina la gh'abbia de vegni chi nò a trovass al seur cont el padron. Basta a pensaroo ben cossa hoo de fa!

SCENA VII.

Giacomo e detto.

Gia. Là, anca stoo fioeu el dorma. Oh! si chi, vu galantom?

Des. Scior sì.

Gia. In dove hinn andaa tutta sta gent? Dove hinn i voster padron?

Des. Hinn andaa in l'Uffizzi del Comun, perchè al sur Sindech el gh'eva de fa el Parlamento.

Gia. Gh'è andaa adree anca soa miee?

Des. Scior sì.

Gia. Dimm on poo, te sariet bon de andà a ciama de nascondon e digh che mi sont chi che la specci?

Des. Chi? ol sur Sindech?

Gia. Ma no, soa miee.

Des. Adess a voo. (*avviandosi*) Adess a pensaroo coss'hoo de fà per fa che la Beltramina la vegna minga a voeulta chi (*via*).

Gia. (*passeggia*) Adess studiaroo la manera de podè toeulla. Alter che fa giudizi! E pensalla che aveva giuraa de vorè saveghen pù de la Verginia, eppoeu voo propi a borlagh dent insci polit. Adess se podi rivà a vech quell che hoo de bisogn, ghe pienti chi el fioeu e ghen doo una fetta. Lor ghe n'han minga istess, sicchè...

SCENA VIII.

Teresoeu e detto.

Ter. Cossè gh'è? on quai misteri, che el m'ha faa ciamà?

Gia. Alter che misteri! l'è ona storia ciara come el sò! Ma prima de tutt, Teresoeu, come cugnada te preghi de damm del ti!

Ter. No, no, sont tanto abituada a dagh del scior.

Gia. (in ginocchio) Teresoeu, mi sont chi in genoece!...

Ter. Oh, el vedi! coss'el fà? El diventa matt? Ch'el faga piase ch'el se tira sù.

Gia. No, se prima no te me promettet de famm on gran piase!

Ter. (alzandolo) Andemm, sù, sù, basta che la sia ona robba lecita e onesta...

Gia. L'è pussee ancamò de lecita e onesta.

Ter. Ma ch'el parla donca!

Gia. Sent, ti te sentii la mia disgrazia, e quand te voeut che te la disa, mi hoo de bisogn di danee per fa giudizi.

Ter. Per fa giudizi? Ma sì, adess disi, el g'ha minga de parent pussee prossim de cuntaghel?

Gia. No, perchè i parent pussee prossim sii vialter. Sent: mi cont i danee voo in America e foo la mia fortuna!

Ter. Se capiss propi che l'è on disperaa s'el parla de andà in l'America. E del fioeu cos'el fa cunt de fann?

Gia. El porti insemma a mi. Te par che mi

voeubbia abbandonà la mia creatura?... Donca te mi det?

Ter. Cossa?

Gia. I danee!

Ter. Ma dove hoo de andà a toeuj?

Gia. Di tò risparmi!

Ter. Ma a ti, cioè no, a lu, ghe gira i mezzanit?...

Gia. Te voeut propi vedemm a fà on sproposito?

Ter. (p. p.) El sà coss'hoo de digh? Ch'el g'ha el bòn temp! El sà che l'è on pezz che nùn se cognossem!...

Gia. (risoluto) Ben, pesc per ti! se te restarà la mia coscienza sulla toa vita... cioè, no, la mia vita sulla toa coscienza!

Ter. No, no, la me pesaria tropp!

Gia. Te me scherzet?... Guarda! (corre fingendo di slanciarsi dalla finestra e poi si trattiene)

Oh Dio! come l'è bass!...

Ter. Già, gh'è domà trii scalin andà in cort....

Gia. Ah sì? Ma andaroo ben mi a trovà in d'on alter sit la mia tomba! (via).

Ter. Sì, sta sù allegher! A mè dar mi del tè! te conossi mascherina! (come colpita da un pensiero) Oh povera mi! Te voeut vedè ch'el me pianta chi el fioeu?... Birbonòn, te foo còrr adree tutta la gent del paès! (si sente lo scoppio dei fuochi artificiali) Adess come faroo a cattal che tacca i foeuch? (via).

SCENA IX.

Desideri, indi Giacom.

Des. (entra a destra con precauzione, esso ha in mano una [trappola grandissima] Adess ol dev vess ol moment giust... Va là che ta la faroo mi bela, insci t'imprendaree a pizzigamm la morosa... Sta foinera chi che finadess a la semper ciappaa domà che di volp e di ratt tappon, a la ta inzerzirà ben lee i tò gamb come a te meritet! (va a deporre la trappola e montarla nel mezzo della porta) Quant poeu a te saret dent in la foinera, a scur, a te daroo mi ona pestada della festa ca te se regordaret per un pezz! (viene sul davanti gongolandosi di compiacenza) Adess annem a toeu el melgasc c' hoo preparaa chi a pòs all'usel (spegne il lume, via scavalcando la trappola).

Gia. (entrando dalla finestra) Vuj sperà che m'abbia veduu nissun... Bisogna che toeuva su la borsa de viagg se hoo de vegh almen de cambià la camisa prima che riva a Buones-Ayres... El fioeu che s'el tegnen lor, che almen chi el podarà sta ben. Per i danee del viagg ghe scrivaroo a m'è pader quand saront a Genova (via a sinistra).

SCENA X.

Scena vuota, si sente lo scoppio dei fuochi, si fa bujo — Beltramina indi Salami.

Bel. (entra con precauzione dalla porta che mette al granajo) A sont chi, ma tremi

tutta!... S'ha foo de maa!... Nigott! ma però a l'è ona robba cà sta ben nò!... L'è mej che n'agha via anmò, che n'agha!... Se la me catta la sciora Teresa, chissà a cossa la me fa!... Sì, sì... l'è mej... (p. p.) (si odono le grida di evviva e lo scoppio dei fuochi).

Sal. (entra da dove è venuta Beltramina) A st'ora la gh'è, o la ci dovrebbe esser!... Pist!... Pist!...

Bel. Ch'al staga indree e ch'al staga savi!...

Sal. (Oh! c'è prima la Beltramina!)

Bel. Ch'al me vegna minga d'erent. A l'è mej c'ha scappa! (via dalla porta a destra).

Sal. Qui l'è mej fa silenzio... Non c'è più nissun? Ah! ho mangiato il fustone, la cerca de scappà!... Inseguiamola, altrimenti la vendetta va in fumo! (crede di andare dietro a Beltramina ed entra nella porta vicina).

Bel. (ritorna) Oh povera mi cossa hoo mai faa, da chi ven quaichedun!... In dove m'ha scondi adess? A l'è ona pedanna senza ciar (guarda verso la porta) Povera mi! (crede parlare con Stevenin). Sur Stevenin, ch'al staga savi ch'ha ven ona pedanna senza ciar! Mi ma tiri chi in canton a scùr! (si ritira nell'angolo).

SCENA XI.

Teresoeu, indi Stevenin e detta nascosta.

Ter. (dalla destra) Chissà cossè l'è ch'el g'ha de dimm stoo Salamm de stoo sur Segretari, per mett giò tanto misteri... Basta, stemm a

senti... Ma a st'ora el dovaria vess già chi;
l'hoo veduu a vegni via del segraa della
gesa. Ma chi no se sent'anima viva (*ascolta*).
Bel. (La padrona! Adess stoo fresca!)
Ste. (*entra, inciampando nello stipite della porta*)
Oh!..... a momenti me rompi el nàs, me
rompi!
Ter. (L'è chi adess!...) Ehem!...
Ste. Beltramina, in dove te set?
Bel. (A mi me voeor vegni maa!)
Ste. Beltramina, hoo dit...
Ter. (Ma questa chi l'è la vòs de Stevenin!
Cosse l'è sta scenna?)
Ste. Sicchè te rispondest Beltramina? Abbia
minga paura, la sura Teresoeu, mia miee,
l'è adree a dagh de bev ai paisan....
Bel. (Oh mi! Oh mi!)
Ter. Cosse senti mai! Pover canarin! el sgo-
rata i àl: adess a mi! (*cerca imitare la voce*
di Beltramina e parlando sottovoce) Ma, ma,
ma!....
Ste. Ma te rispondest, sì, o no?...
Ter. Ch'al vegna inanz senza fà freccass!...
Ste. Sì, vegni inanz adasi..... Damm la toa
man....
Ter. La mia man? per fann?
Ste. Per fagh su on basin!
Ter. Ma e la sura Teresa?
Ste. La sura Teresa, hoo giamò dit che fà na-
gotta!
Ter. (Ah fà nagotta! Come el se ingegna!)
Ma cosse el voeur de mi?
Ste. Vuj fà l'amor!
Bel. (Oh mi! Oh mi!)

Ter. Insci a scùr?
Ste. Sigura! l'è propi insci!
Ter. A mi me pias minga a fà l'amor a scùr!
Ste. Ma se pissi el ciar poden vedemm!...
Ter. Ben ch'el speccia. (*voltandosi*) Se trovi on
ciar tel daroo mi.

SCENA XII.

Giacom e detti, indi Desideri col bastone.

Gia. (*con una borsa esce da sinistra*) Adess
andemm! L'uss de sortida la de vess de chi...
Prest, intanta che gh'è nissun!... (*si avvia in*
fretta e cade nella trappola che gli serra le
gambe (Aja!))
Des. (*corre al bujo, bastonando furiosamente*
Giacomo) Ah mi! ah mi!....
Gia. Ajut! ajut! (*getta la borsa nell'angolo*
che va a cadere sui piedi di Beltramina e
si trascina avanti colla trappola).
Bel. (*grida*) Ahi! che dolor!
Ter. Cosse succed adess? gent corrii!....
Ste. La vos de mia miee!

SCENA ULTIMA.

Battista, Salami, due villici e detti.

Batt. (*corre col lume seguito da Salami e due*
villici) Cosse gh'è? cosse gh'è?...
Sal. C'è la cà che prende fuoco?
Des. Ah l'è on ratt cà l'è borlaa in foinera!
Ste. { El Giacom!...
Ter. }

Gli altri El Forestee!!!

Ter. La Beltramina chi sconduda in canton a scûr? (L'appuntament el gh'era propi!)
(*raccolle la borsa gettata da Giacomo sui piedi a Beltramina*) Ah! L'è tornaa indree a toeu la borsa. (*guardando Giacomo che tutto indolentito cerca liberarsi dalla trappola*) Hoo capii!.... La volp la perd el pel ma mai el vizi!..

Ste. (*guarda Beltramina che è indietro paurosa*) Com'è? te seret ti?... Adess sont in quarella!

Ter. Te voeut che te perdona?

Ste. Sì!

Ter. Tegnim chi el fioeu del Giacom come noster.

Sal. Mi non capisco!

Ste. Mi sì, mi sì!

Bat. Mi credeva che taccass foeugh!

Ter. Ti Desideri, perchè te mis giò la foinera?

Des. A l'è staa per ciappà on ratt che l'aveva faa stremi la mia Beltramina!

Ter. L'è vera Beltramina?

Bel. Sciora sì!

Ter. Ma cosse te favet lì in canton a scûr?

Bel. A sont vegnuda chi per vidè i foeugh da la part da la finestra, hoo sentuu on fracass e me sont stringiuda chi, me sont!...

Ter. Ben, diman te tornaret a Marchiroeu, in del tò barba a fà passà el stremizi!

Bel. Sciora sì!

Des. Bon, par dinci!

Ter. A vù Battista, ve diroo dopo el perchè!

Bat. Sì, sciora!

Ter. E lu, sur Segretari, hoo già capii cosse el voreva dimm chi insci a scûr!

Sal. Tanto meglio per il fiato mio!

Ste. Teresoeu, te comandet pussee ben de Mau-melon.

Ter. Donca sur Giacom in per el fiolin el tegnarem chi nun, e se in l'America lu el farà fortuna, el tornarà poeu indree a toeu! (*piano*) Sta sira ghe daroo i danee per el viagg.

Gia. (Donna generosa).

Voci di dentro Evviva, evviva el Sindech!...

Ter. Sent voj Stevenin, stii noster bravi villici g'han secch anmò la gola!...

Ste. E ti mandi in del vinee!

Ter. (*va al balcone*) De bravi giovinotti, tornee in del Gaitan a bev per noster cunt!

Voci di dentro Evviva! Evviva el Sindech! Tornemm in del Gaitan!

Ste. Ma voj Teresoeu, quand l'è che vemm a senna?

Ter. A momenti (*al Salami*) e l'invidi anca lu, sur Segretari.

Ste. Va ben. Va ben insci!....

Giac. El sarà el prim a fà on brindisi al Sindegh de Colmegna.

FINE DELLA COMMEDIA.

41366 www.internetculturale.it

108

ON DOLOR DE COO

PERSONAGGI

Domenico, affissatore.

Giovannina, sua moglie, portinaja.

Carlino, suo figlio.

Peppina, figlia di Domenico e Giovannina.

Ernesto, promesso di Pepina.

Pietro, padrone di casa.

Veronica, vecchia amica di Giovannina.

Un incognito e un porta lettere.

Epoca presente.

ATTO UNICO

La scena rappresenta una portineria, con scala che mette ad un mezzanino, camino di fronte allo spettatore, tavolo, sedie, armadio, vari oggetti per cuocere le vivande, piatti, ecc. All'alzarsi della tela si vede una pentola appesa al camino.

SCENA PRIMA.

Veronica *con uno scaldino in mano seduta, indi uno sconosciuto, poi un porta lettere.*

Ver. *(ravvivando il fuoco colla palletta)* Ma sil' Chissà come la mai de vess in sta cà chi, per quella birba de quell fioeu..... Hoo faa ben mi a toeu minga mari, che almen de quj fastidi li ghe n'hoo no....

Sco. *(entrando)* In grazia, in sta porta chi gh'è sta on certo Franchi?

Ver. *(alzando la testa)* Cosse el fa?

Sco. L'è impiegaa alla cassa de risparmi....

Ver. Ma a dì la veritaa, l'è andada via la portinara per on affari.... Se el pò tornà indree de chi ona mezz'oretta....

Sco. Oh giust! Ma lee cosse l'è chi a fa se la sà minga i vesin che gh'è in la porta. Andaroo desora mi a fass insegnà d'on quaj vesin.

Ver. Se l'è pò trovà, ch'el vaga pur *(sconosciuto via dalla porta che mette alla corte).*

Con tanti volt (*ravviva il fuoco*) che quella povera Giovannina, la m'ha cascias in del coo tutt i inquilin che sta in la porta, hoo mai poduu tegnì a ment.... Quell nomm li però, me par de vell mai sentii; ma già adess sont veggia, la memoria la me fa battista compagn de la vista.

P. Let. (con una lettera in mano) Al giovine di belle speranze signor Carlino Ranetti.

Ver. Che le metta giò li (*accenna il tavolo tra le due porte*).

P. Let. (eseguisce) Che la staga ben (*via*).

Ver. Giovine di belle speranze.... Spuzzetta! (*alzandosi*) Vuj vedè de che part la ven (*va a prendere la lettera e legge il timbro*) De Borgh S. Peder; l'è el solit (*ripone la lettera e torna sedere*).

SCENA II.

Lo sconosciuto, detta, indi sur Peder.

Seo. (passa con un fardello che nasconde alla meglio che può).

Ver. Riverisco! La ditt nient.... l'è segn che la trovaa.... Me pariva ch'el gh'avess comè on quaicoss sott sella. Ma già g'hoo la vista che fa battista (*levandosi gli occhiali per pulirli*) G'hoo semper anca i occiaj sporch, maledetto sia!

Sur Ped. (entrando trafelato in veste da camera e pantofole) In dove l'è la Giovannina? La gh'è no?... È passaa on quaidun de chi? Gh'ann portaa via i possad d'argent alla Giromina intanta che l'era de là a pissam la stua.

Ver. Oh, povera mi, che l'era on regir.

Sur Ped. Cosse l'ha ditt? Che la risponda: è passaa quaidun de chi?

SCENA III.

Giovannina, detti, indi Domenigh.

Gio. Sur padron ch'el scusa...

Sur Ped. Ah te set semper via. (*in furia*) Dimandegh on poo a sta veggia rimbambida chi l'è che vegnuu in la porta, intanta che ti te seret via?

Gio. Sur padron, ch'el scusa se sont andada via on moment per on interess de famiglia.

Sur Ped. Che interess che no interess! Intanta a mi m'hann portaa via i posad d'argent. E tutt perchè se abbandona la porta in man de can e borian.

Ver. Mi povera veggia.

Gio. Ma car Signor, ma lee la veduu a passà nissun?

Ver. Sì, è vegnuu vun a cercà on certo sur Franchi.

Sur Ped. Ma l'è on pezz?

Ver. On momentin prima ch'el vegness giò lu.

Sur Ped. Ma cosse ghe voreva a dil impressa. (*per uscire*) Perdio sont chi in pantofola. (*a Domenico che entra*) Ti fa prest, cor, va per la contrada, guarda se te vedet vun cont on pacchett, on fagottell, che m'hann portaa via l'argenteria.

Dom. L'argenteria? Subit! (*corre via*).

Sur Ped. Con di portinar come vialter, se pò minga nanca stà in pantofola per casa.

Gio. Oh sur padron!

Sur Ped. Oh sur padron, oh sur padron!... Ghe voeur alter. Intanta che me ne succeduu voeuna grossa, podi minga lassà scappà l'occasion per div de cercav on sit, e de desfescià la porta.

Gio. Car Signor!

Ver. Povera donna... E ghe n'impodi mi....

Sur Ped. No, no, che la se cascia minga... Ma l'havarà veduu de che part l'è andaa el lader, so mari? *(per uscire sulla porta si incontra con Domenico)* E insci.... nient?

SCENA IV.

Domenigh e detti.

Dom. (entrando) E insci hoo propi veduu nissun per la contrada...

Sur Ped. El saveva anca prima.... el sarà saltaa in l'omnibus che passa.... La lassaa passà mezz'ora sta veggia chi, prima de parla.

Dom. Ho de andà alla Questura?

Sur Ped. No, voo a vestim, e voo mi subit... Intanta tegnii ben a ment che mi metti chi on alter portinar.... Ghe voreva sto fatt per famm decid....

Dom. (con sorpresa) Comè, el me cascia via?

Gio. Ma sigura...

Sur Ped. Guardee come sont servi, guardee che gent si. *(a Domenigh)* Ti no te pias, no te penset che a mangià e bev... Del voster fioeu poeu, parlemen minga: tutti i dì ne senti voeuna de noev: Discorri no d'on'altra storia che me comoda minga tant, e che l'è quella de vedè el moros de la tosa a vegnì innanz e indree per la porta. Avj capii? *(via)*.

SCENA V.

Domenigh, Giovannina e Veronica.

Dom. (fa per seguire sur Peder, ma è trattenuto da Giovannina). Can, can e can!

Gio. Ma pussee can de tucc, l'è to fioeu....

Dom. El Carlin?

Gio. Già, chi d'alter? Ma quell là su, però el m'ha castigaa senza ch'el meritassem. A pensala che sont andada via per rimedià a on'altra soa balossada. *(a Veronica)* Cara la mia donna come l'ha mai faa a vedè minga quell lader che vegnuu in la porta, come la faa a capi nò che l'era on regir...

Ver. Cara lee: l'è el prim intort che m'ha faa el Signor.

Dom. (a Giovannina) Perchè te mai voruu damm attrà a mi...

Gio. Avaria faa di bei robb. Adess gh'em pù nanca quel pocch tuguri per ricoverass senza el fitt.

Dom. Se te avesset minga mandaa a scoeula la tosa, almen se te avevet de bisogn de bandonà la porta, la saria stada bonna de stà attenta.

Gio. Fa piasè di su pù di sproposit! Povera tosa, che l'ha insci de bisogn de imparà el mestee. Eppoeu la guadagna on quaicossa. Sì, perchè già l'è inutil che te ghe patisset, quell che te me det in ca ti, l'è appena assee de tira là adree al mur....

Dom. Comè? Corri minga tutt el dì a tappezzà

tutt i canton de Milan.... Cosse hoo de fà de pù?

Gio. Sì, te corret, va ben, ma....

Dom. Ma, ma on biccer de vin ho minga de bevel? Hoo minga de mangià ona piccola foeura via? Se cerchi de tegnì de cunt, infin per chi l'è ch'el foo? Se bevi di lampedid de barbera e se mangi on quai quartinett de pollaster a rost, l'è tutta sostanza che mangiandela mi, la ve fa ben a vialter. Vera lee, sura Veronica? Incoeu, per esempi l'è el di: el padron de cà che voeur mandamm via l'è vun de qui dispasè per mi, che se no bevi un gott de vin, sta nott sont sicur che moeuri de creppa coeur.

Ver. Car Signor, che manera de ragionà.

Dom. Cara lee, l'è ragionà d'on omm de drizz... Come se fà a tegnì de cunt i cavaj che la vora? se ghe dà de la bonna biada.

Gio. Già, l'è ben perchè te set semper faa vedè insci, che to fioeu l'è vegnuu su, quell che l'è vegnuu su.

Dom. Ma infin se pò savè cosse la faa de noeuv?

Gio. L'è tri di che l'è minga andaa al studii e l'è giamò la terza volta che el fà insci..... eppoeu el voeurem pù, perchè...

Dom. (prende per un braccio Giovannina) La robbaa?!

Gio. Ma callaria anca quella. No, per grazia di Dio, ma s'el va inanz insci. Al so uffizi lu de tucc el se faa imprestà danee, fina del porter: de chi on franch, de chi des, de chi duu, e via e via.

Dom. Biricchin vestii della festa! (va all'armadio prende una bottiglia di vino e beve).

Gio. L'è on gott per la tosa de bev dopo la minestra....

Dom. Adess l'hoo de bisogn mi, per fà andaa via el magon.... E sta minestra l'è cotta?

Gio. Ah Signor.... Con tutt sti dispasè, me sont desmentegada de tiralla giò (leva la pentola dal fuoco e la depone sul tavolo) Aveva miss su el riss prima de andà via....

Dom. (sedendo) La sarà bonna de impastà i avvis....

SCENA VI.

Peppina e detti.

Pep. (entrando) Ciao, mamma.

Gio. Cara madonna, te set chi, povera tosa, te troeuvet on paston, minga la minestra (minestrando).

Dom. Perchè l'è troppa cotta (prende la bottiglia e beve l'ultimo sorso). Come se fà a lassà stà de bev, a vess insci danaa....

Gio. Ma sì! L'è minga assee che la podarà minga mangià la minestra, che te ghe bevet anca l'ultim gott de vin.

Pep. Ma fa nient mamma.

Dom. Te vedet (a Giovannina) la g'ha pussee coeur lee che ti... Te set, Peppina, l'è tanta la rabbia che mi g'hoo adoss (dopo di aver assaggiato un cucchiajo di minestra) che mi sta minestra chi podi minga mangialla. Bisogna che vaga in del Baretta bianca a mangià almen ona piccola de stuvaa (leva fuori un portamonete) On poo vedè se g'hoo chi assee.

Gio. L'è el solit (indispettita).

Dom. (senza badare a Giovannina) Quaranta de la piccola, cinquanta de mez liter e des de dō micchett, fā on franch giust: g'hoo domā sessanta centesim.... Ecco se i piccol, el vin fussen minga cressuu, gh'avaria assee...
Pep. (alzandosi leva fuori un borsellino) Ch'el toeuva papà, quest chi l'è mezz franch, insci ghe vanza anca des centesim de toeu ona sigalla....

Gio. Te see puranca bonna!

Dom. (prende il mezzo franco) Che cara tosa, a ti sì che te premm la salut de tò pader..... Allora voo... Sent voj Peppina....

Pep. Cosse l'è?

Dom. Invece de toeu la sigalla, tovaroo el tabacch del moro, che g'hoo de fumà per ona giornada... Voj Giovannina, la mia part de minestra, daghela li alla sura Veronica, che bell'è veggia, la g'ha el stomegh che ghe passaria anca on torrion.

Gio. Ghe n'era ben assee l'istess. Ma el saria minga mei che te stasset in cà a spettà to fioeu, ch'el vegnarà a momenti, e dagh anca ti ona romanzina?

Dom. Tornaroo indree; adess sont troppo debil de stomegh, per mangià rabbia, bisogna che mangia on quaicoss d'alter prima (*per avviarsi, s'incontra con Carlino che sarà vestito con ricercatezza*).

SCENA VII.

Carlino e detti.

Dom. Eccol chi! (*Giovannina dà la minestra a Veronica*).

Car. (avanzandosi) Cosse el g'ha?

Dom. Adess voo a mangià on boccon, quand me saront rinforzaa el stomegh, tornaroo indree e ragionarem (*via*).

SCENA VIII.

Carlino e detti.

Car. (sedendosi al tavolo prende la scodella) Cosse g'ha de ves de ragionà? (*dopo di aver assaggiato un po' di minestra*) L'è questa la minestra de fa? La par pasta desfada e la sa de fum.

Pep. L'è anca troppa bonna (*seguitando a mangiare*).

Gio. Te ghet anca la faccia franca de mettes adree a mangià comè nient?

Car. Ma cosse l'è che gh'è? (*sospende di mangiare*) Se gh'avess appena on franch in saccoccia, vorraria giust mangià sta porcada.

Gio. Porcada! Dimm puttost quand l'è che te faret giudizii, quand l'è che te lassaret viv on poo quietta toa mader? Incoeu sont andada al to studi per vedè se l'era vera che l'è tri di che no te ghe vet.... Ne hoo senti de tutt i color.... Hoo senti che bell'onor che te se faa: ma cosse t'en fett di danee che te se fee imprestà de tucc? L'è minga assee che te me de in cà nanca un quattrin?...

Pep. Mamma, mamma, che la se inrabbissa no. Guarda Carlin che el Signor el te darà minga del ben a fa immati i to gent in sta manera...

Car. (tornando a mangiare) Oh Dio! l'è sempre la solita musica...

Gio. Quella li l'è la consolazion che te ghe

det ai to gent, che hann faa tanti sacrificj per mandat a scoeula per fatt studia; quell li l'è el ringraziament che te ghe fet a quella persona che stava chi in la porta, che t'ha miss in sù ona bona carriera. El saria staa ben mei che t'avessen cascias a bottega...

Ver. Pover fioeu, pover fioeu.....

Car. Disi, quanti predicator gh'è in sta cà chi? Lee che la cascias minga dent el nas in di interess di alter.

Ver. Oh per mi ch'el staga pur quiett che per lu dervi pu de sicur la bocca.

Car. Tanto mei, insci ghe andarà minga denter i mosch.

Pep. Che maniera de rispond.

Car. Voj ti, tas.

Gio. Tas ti puttost, o senza coeur! Per causa toa, adess s'emm anca senza tecc.

Pep. } Senza tecc?

Car. }

Gio. Sì, perchè per rimedià ai to balossad, sont andada via, lassand alla porta chi lee (*accennando Veronica*) e intrattanta la minga capi on regir che vegnuu chi a robagh l'argent al padron de cà.

Car. (*si mostra interessato e soddisfatto*).

Pep. (*tralasciando di mangiare*) Car Signor! Se minga poduu vedè chi l'era stoo regir?

Gio. Ghe cors adree to pader, ma l'era giamò spari.

Pep. Povera nun!

Car. Se lee la se cascias minga tant per mi, saria succeduu nient; adess a senti lor gh'avaroo mi la colpa anca de quell.

SCENA IX.

Sur Peder e detti.

Sur Ped. (*passando dalla portinaria vede la lettera de posta sul tavolo del porta lettere*) Se usa pù nanca a portaa su i letter ai inquilin adess? (*legge la soprascritta*) « Al giovine di belle speranze, signor Carlino Rannetti.... Oh l'è diretta al so bell tomo (*getta la lettera sul tavolo davanti a Carlino*) Giovine di belle speranze. (*brusco*) Voo alla Questura a fà la deposizion... Vialter credii minga poeu de passala liscia. Semm intes che de chi ona settimana vuj la portinaria in libertaa (*via*).

SCENA X.

Detti meno sur Peder.

Ver. Povera gent, e son stada mi la causa.

Gio. Avj senti?

Pep. Quanti dispiasè.

Car. (*che avrà preso la lettera e letta*) Scriven che me spetten.... Finalment podaroo vedella dopo tanti mes.... (*si alza e prende il cappello*) A stora el Luis, el dovaria ves giamo là a spettam....

Gio. Ah te vet via eh? Te scappett lontan di dispiasè? Te set pesg che to pader...

Car. Già, per quell avaria imparaa de lu.

Gio. Vergogna! Dispiasè la maggior part per causa toa...

Car. Adess bisogna che vaga in d'on sit, a toeu di letter, perchè sta sira hoo de andà via de

Milan per scoedegh di danee de divers cunt, tornaroo indree per toeu su el paltò e on para de camis.

Gio. Bosard! Ti te voeut andà a trovà quella gent ch'in la causa de tutt i to disordin. Adess te andaret a fass imprestà i danee per fa el viaggi.

Car. Mi ghe disi che hoo de andà via per on amis a ciappà di danee; se la voeur minga cred, che la vegna adree a vedè (via).

SCENA XI.

Giovannina, Veronica, Peppina, indi Ernest.

Gio. Vedii che ingratitudin, dopo i vit che hoo faa per lu.... (*siede e piange*).

Pep. (*andandogli vicino*) Povera mamma che l'abbia pazienza.

Ver. Ma o Giovannina che la faga minga insci...

Gio. Ti povera tosa che te set semper struziada... Se te savesset che on alter motiv, perchè el padron el voeur mandamm via, l'è perchè lassi vegni in cà l'Ernest a parlat.

Ver. Cosse gh'è denter de maa?

Pep. Se l'era domà per quell poteva pregal de vegni pù...

Gio. Ma perchè, povera tosa, che te ghe voeut insci ben...

Pep. Ma e insci, mi disi minga de lassal: el m'ha promiss de sposam de chi ses mes? Podaria digh: sent Ernest, l'è de chi ses mes che te dit de sposam? ben on mes prima, per preparà i noster robbet, se torna remm a vedè; intanta contentemes de scrives ona volta alla settimana, per das notizii

della nostra salut, perchè el noster padron de casa el ved minga de bon oeucc che te vengnet a parlam in portinaria, ne tal men podariem vedess in strada per no fa parlà la gent.

Gio. Ti te set on tesor, ma l'è inutil, pussee che ghe lo su l'è cont el Carlin.

Ver. (*alzandosi depone la scodella, e prendendo lo scaldino*) Adess, per esempi, voraria di anca mi la mia.... Se quell sur spincin, che la scusa, d'on so fioeu, le fass sta foeura de cà, fa come la diss chi la Peppina riguard al sur Ernest, fagh parlà d'ona quai brava persona al padron de cà, chissà che nol poda vegni giò bon ancamò...

Gio. L'ha minga sentii, che ghe l'ha su anca cont me mari? Eppoeu l'è avar, figuremes, bisognaria ch'el trovass i possad d'argent.

Ver. Sicchè el rimors de vei miss in su ona strada ghe l'avaroo mi.

Pep. No, no, povera sura Veronica... L'è perchè nun semm disgraziaa....

SCENA XII.

Ernesto in bluss e detti.

Ern. (*entrando*) Come vala, chi insci? Sura Giovannina, Veronica. Peppina! Hoo mai desideraa che vegness sira compagn de incoeu... e sì che hoo lavora cont on gust de matt, e hoo disegnaa in sulla pietra copiand on quadrettin tanto bell, che me fava batt el coeur; el prim basin dopo el spozalizii.... Ma per tant che me consolass a lavoragh adree a quell bell soggett, poteva minga lassà sta de pensà che l'era giovedì, giornada che g'hoo

*infine
senza!*

el permess de vegnìtt a trovà alla sira (*osservandole silenziose*). Ma cosse è succeduu, che me par de vedè del mal umor? Hoo capi, anca incoeu on quaj alter dispiasè in causa del Carlin.

Pep. Propi!

Gio. Ch'el scusa, ch'el n'abbia minga a maa, ma incoeu semm pien de fastidi pussee del solit.

Pep. Semm propi disgraziaa...

Ern. Ma Dio! cosse l'è che gh'è! Me fann stremi.

Ver. Gh'è ch'el padron de cà el me manda via de la porta.

Ern. Ma perchè mò?

Pep. Perchè è passaa on lader senza vedell, el g'ha portaa via l'argenteria.

Gio. Sigurà, s'era via per rimedià a voeuna di solit scappad del Carlin.

Ver. E mi veggia bonna de nagott, mezza orba, che s'era chi a curà la porta g'hoo insegnà de andà de sora.

Ern. Povera gent... L'hoo ditt mi; la troppa legria, incoeu insci content perchè doveva vegnì chi, troeuvi on dispiasè de sta sort.

Gio. (a Veronica) Car Signor, sura Veronica che la faga on piasè andà sulla porta a curà se ven el padron, perchè s'el troeuva chi l'Ernest l'è sicur ch'el se mett a vosà... Cont el ciar de la lampeda le pò vedè.

Ver. (prende lo scaldino) Sì, subet! (*via collo scaldino in mano*).

Ern. Ma che fastidi ghe doo mi a vegnì chi ona volta alla settimana, on'ora alla sira?

Gio. Ma coss'el voeur...

Pep. L'è perchè el mond l'è semper insci, va

de mezz i bon per i gram. E tutt in grazia de me fratei.

Ern. Per causa mia vuj minga sicur ch'el padron l'abbia de lamentass e ciappà la scusa per jùt a mandai via: me piang l'anima. Se l'avess savuu prima, avaria cercaa de l'assam minga vedè. Prima de sposà ona tosa, già se sà che bisogna parlagh... Basta, quand l'è insci faremm el matrimoni de chi on mes; perchè se dovess podè pù vedett almen ona volta alla settimana, sont sicur che moeuri. Te set contenta?

Pep. (commossa) Oh! Ernest! Che coeur d'or che te ghet...

Gio. Lu l'è ona perla d'on fioeu: el sarà la nostra consolazion... Oh, se anca el Carlin el fuss staa insci bon... ma la trascuratezza de so pader...

SCENA XII.

Domenigh e detti.

Dom. (entrando colla pippa in bocca) Sì, so pader, so pader, trascuratezza! On omm come mi, trascuraa... che cammina dalla mattina fina magari ai doo or a tappezzà i canton de Milan... (*scorgendo Ernesto*) Servo, sur Ernest... Quel poeu che me fa pussee dispiasè l'è parlà adree quand gh'è de la gent.

Ern. Infin sont minga on strani; sont quasi so parent... Del rest l'ha ditt nient de maa... La vorraria ch'el ghe guardass adree on poo pussee al Carlin, de cercà de fagh fa giudizi...

Dom. Ma lu le sà, o no, la malattia che g'hoo mi? Le sà che sont debol de stomegh, che se me inrabissi me metti in lett? Mi foo quell

che podi... Lee che l'è semper staa el so caroeu che la ghè staga pussee attenta. Se me ammali mi, chi l'è che va attorna a tacca foeura i avvis?... Adess però che ho mangiaa, che me sont rinforzaa on poo el stomegh, s'el fuss in cà anca mò, el sentiria che paternal che ghe doo... (*levando la pippa di bocca*) Indove l'è! El sarà giamò andaa insemma ai sò pivej che ghe rid adree...

Gio. Chi sà in dove le andaa... L'ha ricevuu ona lettera del sit solit e la ditt ch'el tornava indree a toeu i pagn perchè sta sira el va via.

Dom. (*minaccioso*) L'andarà via sì, e l'andarà via no! (*va all'armadio*) Ghe n'è ancamò de marenn in del spirit? (*leva fuori un vaso di marenne e ne ingoja un cucchiajo pieno*) Ch'el vegna a cà adess che ghe rangiaroo mi i staff a quell biondo Dio!

Ern. Le podaria corregg senza alterass...

Dom. Già, perchè me fa maa el stomegh.

Pep. L'Ernest el g'ha reson...

Gio. Lu el va semper d'on'estremità all'altra.

Dom. (*prende ancora marenne*) Come hin fort sti marenn...

SCENA XIII.

Carlino e detti.

Car. (*entrando*) L'è de guardia la Veronica in sulla porta? (*da sè*) Maledetto l'hoo minga trovaa... ch'el voeubbia minga damm quell che me ven. (*forte*) Hann portaa on bigliett per mi?

Dom. (*che appena veduto Carlino avrà incrociate le braccia*) Bravo, bravo! Ch'el se faga inanz, sur padronsìn... Te annunci che ho mangiaa,

ho bevuu e mastegaa duu cugiaa de marenn in del spirit (*tutti stanno attenti*).

Car. Ma...

Dom. Ma disi quand l'è che ne vegnem a voeuna!

Car. Cosse ghe entra?

Dom. Ghe entra, che se te sbrotet, te doo una sberla che te foo fa tre tomm! (*minacciandolo*).

Gio. (*facendosi avanti trattiene Domenico*) Ma cosse te fett adess? Te vet d'on'estremità all'altra, torni a di.

Pep. Papà, se podaria fa de men...

Ern. Le podaria corregg senza inrabiss tant, che el so stomegh el soffrirà.

Car. (*tirandosi indietro*) L'è minga questa la maniera...

Dom. (*incrociando le braccia*) Famela insegnà ti la maniera, o brutta carogna! (*agli altri*) E vialter che disj che mi soo minga fa, che ghe disi mai nagotta, quella poca volta che sont in venna de dagh on ten a ment, deventee tener compagn d'ona caggiada. Animo lassem sfogass, se de no ven foo vedè dei bei anca a vialter. (*a Carlino*) Dimm on poo, giovine di belle speranze, come senza vergogna te se fet ciamà, te fe propi cont de andà via de Milan a trovà quella carognetta che te suga i saccocc, che te fa fa debet de tutt i part?

Car. Ch'el parla minga maa de la gent ch'el cognoss minga!

Dom. (*minaccioso facendosi avanti*) Tas, marmotta, contin di me sciavatt! (*tutti cercano di trattenerlo*) Ghe voeur alter che fa di poff per mettes in gilè de gess, e andà al veglion a fass robà la sguadrina, dopo vegh pagaa el vesti de maschera e la senna...

Car. Ho bell e vist, mi adess in sta cà chi sont malveduu, e creden a tutt' i ciaccer che ghe conten a me dann... Che me lassen toeu su i me pagn, che l'è mei che vaga via...

Dom. Ti te faret piasè andà in lett, per sta sira, e senza di nanca on ett, se te vouet minga andà per forza, e gibolaa... Diman se te comenciarèt minga a fa vita noeuva, te faroo creppà a furia de legnad.

Car. Ma mi ghe disi che bisogna che vaga via... E sont minga on fioeu d'on ann.

Dom. Te andaret si in lett!... (*minacciando*).

Car. Ho ditt che sont minga on fioeu d'on ann...

Dom. Ti te ghe andaret, o te schisci compagn d'on carsensin (*si avventa contro*).

Gio. { Ah, Signor! no minga!

Pep. { *Ern.* Sur Domenigh ch'el gh'abbia giudizi.

Car. Ben sì, andaroo (*impaurito*).

Dom. (*calmandosi*) Aah! va ben!...

SCENA XIV.

Veronica, detti, indi sur Peder.

Ver. (*entrando*) Me par che ghe sia chi el padron; l'è vegnuu giò adess dell' omnibus insemma a vun che se fermaa indree.

Car. (*vivamente impressionato*) Insemma a vun che se fermaa indree...

Gio. Car Signor, adess el ved chi l' Ernest, el torna a vosà.

Pep. Ernest, scondet on moment de sora, scusa veh!...

Gio. L'è tanto bon...

Ern. Subet; vuj minga vess la causa de dagh dispiasè (*sale la scala ed entra nel mezzanino*).

Dom. Me tocca fagh de quj figur li per causa tua (*a Carlino*).

Sur Ped. (*entra scorgendo Carlino*) Aah! el gh'è, l'è chi el beleee... bravo, bene, el saveva che lu l'andava a feni maa. (*a Domenigh*) L'ha veduu el bell guadagn a vorè mett el fioeu foeura del sò stat, senza guardagh adree come se dev?

Gio. Ma coss'el voeur di?

Dom. (*prendendo un tuono serio*) Ch'el parlar ciar se hoo de capi!

Sur Ped. Ona pattuglia de guardi l'ha fermaa in fond de la contrada vun cunt on pacch sott sella: l'era el lader de la mia argenteria.

Car. (*si mostra inquietissimo*).

Tutti (*meno Carlino*) E insci?

Sur Ped. E insci alla Questura g'hann trovaa addoss ona lettera d'on amis che ghe insegnava la manera de vegni a robba chi insci in la porta...

Tutti. Oh!!!

Sur Ped. El delegaa el me la lassada legg e ho conossuu la man de sto pocch de bon (*accennando Carlino*).

Gio. Oh, povera mi! (*si lascia andare sopra la sedia*).

Pep. (*accorrendo*) Oh mamma, oh mamma!

Ern. (*in sulla scala*) Povera gent.

Sur Ped. Quand s'è baloss, bisogna almen vegh el bòn sens de scriv minga tanto facilment...

Car. Ma mi... l'è... che...

Dom. (*dopo di avere fatto uno sforzo per parlare*) Me... fioeu... on... lader... (*lo piglia pel colletto*) Ma prima che te metten in preson, vuj fenit cont i me man! (*lo getta a terra*).

Gio. } (gettano un grido e corrono a trattenere
Pep. } Domenico) Per l'amor di Dio!

Ern. (accorrendo discendendo dalla scala) Sur
Domenigh, ch'el faga minga on sproposit...

Car. (approfitta che Domenico venga trattenuto
si alza e si porta vicino all'uscio che mette
alla corte pallido e con voce stentata) Mam-
ma, Peppina, perdonem, perdonem! Sont staa
on dolor de coo, ma almen ve salvaroo l'onor!
(si precipita fuori dell'uscio).

Gio. Per l'amor di Dio! Ernest, ch'el ghe corra
adree... El m'haa guardaa d'ona maniera ch'el
m'ha faa vegnì freggia...

Ern. (corre dietro a Carlino) Oh! ma subit! (via).

Dom. Oh! almen el fuss bôn de fa on sproposit!...

Gio. Domenigh, l'è noster sangu...

Dom. (impressionato) Noster sangu?! (corre die-
tro ad Ernesto).

Sur Ped. Pover gent, d'ona part me fann com-
passion... (voci di fuori di gente agglomerata).

Gio. } Cosse succeduu, oh Dio!
Pep. }

SCENA ULTIMA.

Domenich e detti.

Pep. Ma el Carlin?

Dom. (siede abbandonato) L'è andaa su della
scala a segond pian, el se traà giò de la linghera.

Gio. } (guardando fuori dell'uscio gettano un
Pep. } grido) Ah!!!

FINE DELLA COMMEDIA.

REPERTORIO DEL TEATRO MILANESE

A CENT. 35 AL NUMERO

Ultime pubblicazioni.

- FASC. 1 *El zio scior*, commedia in 3 atti di C. Cima.
» 2 *On nicolon d'estaa*, comm. in 3 atti di G. Bonzanini.
» 3 *On pret scapusc*, commedia in 4 atti di C. Cima.
» 4 *Ona notizia falsa*, comm. in 2 atti di G. Duroni.
» 5 *El Togn fachin*, comm. in 4 atti di G. Bonzanini.
6 *I fœugh artificiaj*, commedia in un atto di Giovanni
Duronì. — *Quarantott'or*, commedia in un atto
di Camillo Cima.
» 7 *I duu matrimoni*, comm. in 4 atti di C. Tanzi.
» 8 *El vuj mi*, commedia in 2 atti di Giacomo Bonza-
nini. — *El di de S. Giorg.* farsa con coro e bal-
labile, dello stesso.
» 9 *I duu tabar*, comm. in 3 atti di C. Cima.
» 10 *I tri Ce i tri D del bon gener*, commedia in 4 atti
di Cletto Arrighi.
» 11 *La donzella de cà Bellotta*, commedia in 5 atti di
Camillo Cima.
» 12 *El Barchett de Vaver*, commedia in 3 atti di Ca-
millo Cima.
» 13 *I Fanagottoni*, comm. in 4 atti di Camillo Cima.
» 14 *L'arcobaleno in d'on cumò*, scene domestiche in
un atto di G. Duroni. — *Pader, Flœu e Steve-
nin*, comm. in un atto dello stesso.

- Fasc. 15 *El sbali d'ona tosa*, comm. in 4 atti di G. Duroni.
- » 16 *La mal maridada e la pesg imbattuda*, commedia in 4 atti di Giovanni Duroni.
 - » 17 *La festa de Sant Luguzzon*, commedia in 3 atti di Camillo Cima.
 - » 18 *Ona povera famiglia*, commedia in 4 atti di G. Duroni.
 - » 19 *Ona scena del 1847*, commedia in 4 atti di Giacomo Bonzanini.
 - » 20 *On' ora in stamperia*, comm. in 2 atti di C. Cima.
— *I deslipp del sur Bartolamee*, di G. Duroni.
 - » 21-22 *El Barchett de Boffalora*, commedia in 4 atti di Cletto Arrighi. (Fascicolo doppio Cent. 70).
 - » 23 *La caritaa pelosa*, commedia in 2 atti di G. Duroni.
 - » 24 *Vun che vè e l'alter che ven*, comm. in un atto di E. Ferravilla. — *La vendetta d'ona serva*, farsa in un atto dello stesso.
 - » 25 *Martin Bonstomegh*, comm. in 5 atti, dei signori C. Di Monterenzo, Duroni Giovanni, e Bonzanini Giacomo.
 - » 26 *Debit no paga debit*, ossia *la Camorra di Poveritt*, commedia in 3 atti di F. Villani.
 - » 27 *El mercaa de Saronn*, commedia in tre atti di Camillo Cima.
 - » 28 *La Lussietta de Sest Calend*, commedia in tre atti di Camillo Cima.

Si spedisce franco dietro l'importo in vaglia postale intestato all'Editore **Carlo Barbini**, Milano via Chiaravalle, N. 9.